

De lêtste!

*Refrein: (2x) Ich bën de lêtste,
dan is 't êch gedaon.
En jao, dan wêtste,
dao móste ut mit doon!
Ouch al bêste neet voldaan en noch neet zat,
nao mich hóbste dan ut bêste
van vandaag waal weer gehad!*

Couplet: De optoch waor in volle gank,
wat waor dae dit jaor sjwan.
Opeins zaoch ich de nuuje Prins
op ziene waage staon.
Hae zweijde en hae struijde,
mit 't zwéit op zien gezich,
reep de Prins van baove,
lachend taenge mich ...

Ta da da da da

Couplet: Op 't vastelaovesbal,
ut waor bíénao gedaon.
Zaoch ich op de volle teek,
ein glaeske veur mich staon.
Ich greep um sjnel bie ziene kraag
en vlak bie mien gezich,
zei dat lekker glaeske
lachend taenge mich ...

Ta da da da da

Couplet: Vastelaovesdinsdig,
die daag gaon zwao verbíe,
keek ich op de caféklok
en waor gaaróét neet blie.
11 euver 11,
ut waor bíénao gedaon,
toen zei dat lêtste uurke:
de klok geit daalik sjlaon ...

Ta da da da da